



**SIUMUT**  
**INATSIARTUT**

Qaqortoq 22. februar 2016

Inatsisartut suleriaasiat § 37 naapertorlugu matumuuna Naalakkersuisunut apeqqutit imaattut saq-qummiuppakka:

**Apeqqutit:**

- 1. Silaannakkut angallannermi isumaqatigiissutit nutaamik isumaqatiginninniutigine-qarnerat sumut killippa?**
- 2. Kommunit isumaqatiginninniarnissanut pineqartunut akuutinneqarnissaminnik kisaateqarneri qanoq Naalakkersuisuniit naaperiarniarneqarpat?**

(Inatsiartuni ilaasortaq Vivian Motzfeldt, Siumut)

**Tungnavilersuut:**

Nunatsinni sumiiffippassuit angallannikkut ilungersunartumik inissisimapput, qineqqusaarnerni silaannakkut angallassineq nunap immikkoortuisa ilaanni imaatigut angallassinermittaaq aaqqiis-suteqarfiussasoq eqqartorneqarpoq. Nunap immikkoortuisa ilaanni sinersortaatinik tikinneqarneq ajortuni angalaniarneq ilungersunarpoq, tamannalu ajoraluartumik inuit inuunerannissaaq kingu-neqartarpoq.

Inuiaqatigiinni angallannikkut aaqqiissuussineq tamakkiisumik aaqqiissuteqarfiunngimmat silaan-nakkullu angallassinerep akitigut unammilleruminaannera peqquutaalluni sillimaniarnikkut amerla-suutigut isumannartumik umiatsiaaqqanik angallanneq annertuumik ingerlanneqartarpoq.

Sumiiffiit eqqartukkakka aamma meerartaqarlutillu utoqqartaqarput isumannaatsumik angalanis-samik akitigullu unammillersinnaasumik angalanissaminnik periarfissaqarusuttunik.

Taamak nassuiaateqarlunga apeqqutit ingerlatippakka naatsorsuutigalugulu ullut suliffiusut qulit iluanni akineqassallunga.